

南巡盛典

名勝

卷九十七卷九十八

ワ名4  
5  
1199  
99







南巡盛典卷九十七

名勝

江南

汜

宮

順

河

集



南巡盛典

卷九十七

名勝

一







順河集

行宮

在宿遷縣運河東遙堤之旁北距永濟橋五里入江南將百里矣

鑾輅時巡向

駐蹕於行幄二十五年大吏構

便殿數重庶民子來成於不日壬午乙酉恭蒙

羲馭初停自此三山遠黛樹色波光長被



糺縵之華而騰文煥采矣

𠄎

宮

陳家莊







陳家莊

行宮

在桃源縣自林家莊至此計程五十三里

皇上三幸江南俱

駐蹕於魯家莊營盤二十九年欽奉

諭旨卽於舊營酌添坐落數字省帶大城一分以節馱運之煩大吏欽遵相度以陳家莊地勢較高且與舊營相去無幾

奏請恭建於此松棟雲楣采椽不斷三十年恭

逢

臨幸遂於此

駐蹕焉



惠



濟

祠

河... 卷九十七 名勝 六

... 卷九十七 三







惠濟祠

在淮安府清河縣祠臨大堤中祀天后明正  
德二年建嘉靖中賜額曰惠濟其神福河濟  
運孚應若響祠前黃淮合流地當形勝為全  
河之樞要

國朝久邀崇祀我



皇上臨幸升香薦帛禮有加焉

香

帛

禮








香阜寺

在揚州江都縣運河之東土脈隆起如山俗  
名小五臺岡阜陂陀松篁蒼翠與金碧名藍  
掩映高下山靈亦若有知敷榮聳秀欣然而  
望

幸焉

林  
司  
芳  
徑







竹西芳徑




在揚州城北十里唐杜牧詩誰知竹西路歌  
 吹是揚州名由此而著有上方寺又名竹西  
 寺舊藏石刻寶誌像唐吳道子畫李白贊顏  
 真卿書亦稱三絕又壁有石刻為宋蘇軾送  
 李孝博詩寺旁為竹西亭

竹

西

亭







天寧寺

行宮

在揚州府拱宸門外舊為晉太傅謝安別墅  
義熙間梵僧譯華嚴經於此褚叔度請於謝  
琰遂捨為寺名謝司空寺宋政和間改今名  
乾隆二十一年於寺之右恭建

行殿數重自後恭逢

聖駕南巡俱邀

駐蹕

行慶施惠

渥典重申而寺益永光不朽矣



--	--	--	--	--	--	--	--	--	--	--

與軍中而存益亦次不計矣



南遊墨身

慧



十







慧因寺

向為舍利禪院乾隆十六年

車駕臨幸

賜今名旁有小園叢桂古松境絕清迥中有悟香

亭寺鐘初動梵唱同聲時得靜中之趣西為

曲廊水榭低貼水際北折為廳顏曰綠楊城

郭右為芍園多異種小築數椽亦饒秀野靜



閒之勝

倚

石









倚虹園

元崔伯亨園址其地為紅橋修禊之所康熙  
 間王士正賦冶春詩後逢令節居人及四方  
 士大夫祓水采蘭追永和之觴詠橋始束板  
 為之今易以石橋之東南烟樓月榭竹檻松  
 廊踠地垂楊明湖若鏡所稱柳湖春泛處也  
 皇上先後臨幸並蒙


睿賞焉

倚虹

園

倚虹園







淨香園


由虹橋而東築堂恭奉

御題聯額堂之右為青琅玕館竦筵千竿峯石矗  
 立由曲廊而北曰怡性堂堂左則仿泰西營  
 造法為室五重數十折不能竟過此層欄繞  
 屋曲檻臨波曰荷浦薰風折而之北則春波  
 橋在焉水中有閣巍然高峙者曰海雲龕內  
 奉大士四面白蓮圍遶跨水一坊顏曰香海  
 慈雲直北則接趣園矣

淨

香








趣園

乾隆二十七年


皇上御題額也舊稱四橋烟雨四橋者南為春波  
北為長春西為玉版又西則曰蓮花春水方  
生千頃一碧而層軒洞豁曲檻逶迤高下掩  
映每當暝烟羃歷小雨廉纖環望四橋如綵  
虹蜿蜒出没波間極水雲縹緲之趣

水  
林  
庄





涼派屏石



水竹居

靜照軒



水竹居

乾隆三十年

皇上臨幸賜名也山石壁立屈曲若展畫屏中有  
花潭竹嶼又玉蘭數十本環繞精舍花時清  
輝照人如在瑤林瓊樹間顏曰靜照亦

御題額也循廊而西巨石臨水上鐫石壁流淙四  
字水由石罅落池中懸流瀾瀾冬夏不竭其  
間為堂為樓為亭為花塢曲折交午最後萬  
竿淨綠一境拖藍水竹幽奇於斯為最

功

德

山





天池

寺音觀林應功

處深荷菱



功德山

山有觀音寺亦名觀音山在蜀岡最高處天  
花佛火僧戒梵音儼在靈鷲峯頭也上有小  
池畜文魚數百頭臨池為屋以邀


宸覽

川  
香  
一  
霞





木香



菴松亭



小香雪

在蜀岡平衍處東接萬松亭由法淨寺東樓  
石磴而下北過小橋穿竹徑復折而東數十  
步古梅繞屋疎影寒花洵為清涼香界其嘉  
名之

錫則恭荷


御題云

揚香

淨一

南遊盛典 卷之十七 名勝







法淨寺

古棲靈寺又稱大明寺乾隆三十年

車駕重幸

賜今名寺枕蜀岡舊有浮圖九級見於大觀圖經

唐劉長卿高適諸人俱有詩初地遺踪何幸

邀


天寵於曠古也

法

淨

寺







平山堂

在法淨寺之右宋郡守歐陽修建以南徐諸山拱環望與檻平故名其時梅堯臣王安石蘇軾秦觀諸人皆有唱和之什堂之前為行春臺初建於宋守刁約堂之西曰第五泉復顯於明僧滄溟其餘樓閣池臺頗饒勝賞恭蒙

列聖留題

天文鳥奕

皇上復疊

頌奎藻寵錫逾常賢守名山河幸七百餘年以後


邀此

殊榮也











高詠樓

舊傳宋蘇軾題西江月詞於此居人建樓以

志遺韻曰蜀岡朝旭乾隆二十七年

賜今名軒堂窗窳臺榭蕭疎園內外滌洞一水繚

以長垣列置太湖石雜植名葩嘉樹春夏之


交極邗江之勝賞云

禪

性

春







蓮性寺



舊名法海寺寺四面環水白塔峙其中又有夕陽雙寺樓雲山閣諸勝橋則法海跨其前蓮花踞其後迤北為酒家亭館青帘白舫每縈拂於春秋佳日也

九

策

九








九峯園

園故多佳石大者逾丈小亦及尋如仰如俯  
 如拱如揖如鰲背如駝峯如蛟舞螭盤如獅  
 蹲象踏干形萬態不可端倪石間羅植卉木  
 又築臨池小榭以擬右軍墨池南為風漪閣  
 可供眺望

九峯園







邗上農桑

在迎恩河西岸敬仿

聖祖仁皇帝耕織圖於河北藝嘉穀樹條桑井陌蠶

房恍如圖繪

皇上教養之恩


聖代恬熙之象舉此可見以視豳風七月殆有加焉

𠄎

𠄎

𠄎







高旻寺

行宮

在城南十五里之茱萸灣其水北承淮流西  
達儀徵南通瓜步故亦名三汊河寺踞其上  
有塔曰天中琳宇嵯峨遙臨俯瞰洵江臯攬  
勝之地

聖祖仁皇帝南巡於此敬建

行宮恭逢

皇上省方重葺其舊以備

臨御



南遊盛典 卷九十一 名勝 四



錦

山

山

南遊盛典 卷九十一 名勝







錦春園

在瓜步距由閘關二里舊有大觀樓後成小  
築門臨水次丹堊相鮮其中傑閣修廊松泉  
蘿磴頗足幽勝四圍羅植花木每遇風日晴  
美爛若舒錦恭蒙

御舟臨幸

賜名錦春遂令野岸亭臺極千古遭逢之盛



南巡盛典卷九十八

名勝

江南









金山

在鎮江府西北七里大江中唐裴頭陀於此  
 開山得金故名一名浮玉山隨山構屋金碧  
 交輝與江光相激射有泉曰中泠陸羽品為  
 天下第一山之東有日照岩東麓有善才石  
 一名鵲峯西有石排山傳為郭璞葬處其頂  
 則金鰲妙高諸峯在焉浮圖冠其上屹立梯  
 霄洪濤四繞宋汪藻所云攬數州之秀於俯  
 仰之間者也

聖祖南巡疊蒙

宸賞恭逢

六飛春省亦屢邀

登眺焉




--	--	--	--	--	--	--	--	--	--	--	--	--	--	--	--	--	--	--	--

焦

山






鏡江樓

鷹山

開善堂



東馬頭

西馬頭



焦山

在鎮江府東北九里大江中以漢焦光隱此故名與金山對峙上有焦仙嶺三詔洞以光嘗三詔不起也曰塢曰灣曰棧道諸奇勝不能殫述寺中古鼎篆銘莫能盡識傳爲周時器浮圖三樓閣亭臺之屬三十有四其最著者曰寶墨亭貯王奐之集暨右軍書陀羅尼經幢也山麓有瘞鶴銘以摹搨甚難康熙年間昇置山上乾隆二十二年恭蒙

皇上親灑


宸翰一通摩勒上石龍翔鳳翥藻耀萬古非特山靈邀

寵卽寶界諸天亦應和南以効梵祝矣










行宮

碼頭



金山





錢家港

行宮



在鎮江府西門外傍臨小港可達大江適當  
金山之麓橫峯側嶺面目時呈細浪長波襟  
帶斯在乾隆二十五年恭建板屋數重不施  
丹雘以備

御舟渡江

駐蹕之地









甘露寺


在鎮江府北固山山三面臨江巖壑陡絕梁武帝登樓延望改曰北顧寺為吳孫皓建以改元甘露遂以命名舊在山下宋祥符間移建吳琚榜曰天下第一江山上有一巨石狀如羊傳為諸葛亮與孫權坐謀破曹處勝蹟則多景樓鳳凰池天津泉秋月潭皆其選也後有鐵柱峯下為觀音洞郡城之後屏也

儀

月

亭







艤舟亭


在常州府東門外宋蘇軾常繫舟於此後人因以名亭地多古木土阜蜿蜒雜植花竹為御舟經行之地紳士恭構數椽以備

臨御庭右岡嵐洞壑起伏綿亘下有蘇軾洗硯池形如半圭水檻風廊淥波半畝亦覺天光雲影共徘徊也

中

山







惠山

在無錫縣錫山之西舊名西神山僧慧照居之故又名慧山山有九隴蜿蜒如龍故亦名九龍山有泉出石間陸羽品爲第二甃以石方圓各一建亭覆之前有堂三楹曰漪瀾爲宋令蘇舜欽建自亭右折而西上曰若水洞其左則惠山寺也寺有金蓮池亦曰浣沼泉流瀦焉寺左桃花塢下爲聽松庵明僧性海卽繡嶺亭故址爲之藏性海竹鱸并王紱畫

吳寬詩卷恭蒙


皇上臨幸取二泉水然鑪瀹茗卽舊卷中頻杼天藻並

命臣工廢和彙成巨軸留鎮山門自是竹鱸寶若鼎彝畫卷章於雲漢與勝地名泉俱不朽矣











寄暢園

在惠山之左初本僧寮曰南隱又曰漚寓明  
正德中尚書秦金得之闢爲園名鳳谷行窩  
子孫次第增葺易名寄暢環以清流蔭以嘉  
木遂成勝地堂曰

宸翰曰臥雲曰嘉樹閣曰天香曰凌虛水次爲知魚  
檻一峯卓立其中仰蒙

睿賞

賜名曰介如拳石之微並邀

榮遇遭逢之幸蓋不偶云



